



Проект

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҚАРОРИ
Солиқ маъмуриятчилиги такомиллаштирилиши муносабати билан Ўзбекистон
Республикаси Ҳукуматининг айрим қарорларига ўзгартириш ва қўшимчалар киритиш
хақида
VQL-5411/22-2

Республикада солиқ органлари томонидан солиқ тўловчиларнинг фаолият турларини ҳисобга олиш самарадорлигини ошириш, ҳисоб-китоблар тизимига замонавий ахборот технологияларини жорий қилиш бўйича тизимли ишлар амалга ошириб келинмоқда.

Бугунги кунда солиқ тўловчиларнинг умумдавлат иқтисодий фаолият турлари бўйича классификаторини аниқлаш имкониятини ҳамда онлайн назорат-касса машиналари ва виртуал касса тизими орқали чоп этилган хато чекларга тузатиш киритишда қулайлик яратиш учун ушбу йўналишдаги тизимни такомиллаштиришни тақозо этмоқда.

Солиқ солиш объектлари ва (ёки) солиқ солиш билан боғлиқ объектлар тўғрисидаги ахборотни умумлаштириш ҳамда тизимлаштириш самарадорлигини ошириш, тадбиркорлик соҳасида рақамли технологияларни ҳамда ҳисоб-китобларни амалга оширишда замонавий ахборот ечимларини жорий этиш, савдо ва хизмат кўрсатиш соҳасини янада эркинлаштириш мақсадида Вазирлар Маҳкамаси қарор қилади:

1. Ўзбекистон Республикаси Ҳукуматининг иловага мувофиқ айрим қарорларига қуйидагиларни назарда тутувчи ўзгартириш ва қўшимчалар киритилсин:

Давлат солиқ қўмитасининг штатлар жадвали;

онлайн назорат-касса машиналари ва виртуал касса тизимини қўллаш тартибини такомиллаштириш;

солиқ тўловчиларнинг умумдавлат иқтисодий фаолият турлари бўйича классификаторини аниқлаш;

солиққа оид ҳуқуқбузарликлар бўйича иш юритиш тизимини такомиллаштириш.

2. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари — иқтисодий тараққиёт ва камбағалликни қисқартириш вазири Ж.А. Қўчқоров ҳамда Ўзбекистон Республикаси Давлат солиқ қўмитаси раиси Ш.Д. Кудбиев зиммасига юклансин.

Ўзбекистон Республикасининг

Бош вазири

А. Арипов

Вазирлар Маҳкамасининг

2022 йил _____ даги __ -

сон қарорига

ИЛОВА

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг 2019 йил 17 сентябрдаги 320-сон қарори билан тасдиқланган “Ўзбекистон Республикаси давлат солиқ хизмати органларида хизматни ўташ тўғрисида”ги Низомнинг учинчи бандида:

йигирманчи хатбошидаги “15” деган рақам “18” деган рақам билан алмаштирилсин;

қуйидаги мазмундаги йигирма учинчи хатбоши билан тўлдирилсин:

“12 штат бирлиги — Қўмита ҳузуридаги Фискал институтида.”;

2. Вазирлар Маҳкамасининг 2019 йил 23 ноябрдаги 943-сон қарори билан тасдиқланган “Аҳоли билан пулли ҳисоб-китобларни амалга оширишда онлайн назорат-касса машиналари ва виртуал касса тизимини қўллаш тартиби тўғрисида” Низомнинг 38¹-банди қуйидаги таҳрирда баён этилсин:

“38¹. Илгари амалга оширилган ҳисоб-китобларга ўзгартиришлар киритиш зарур бўлган ҳолларда фойдаланувчи томонидан тузатувчи касса чеки шакллантирилади.

Тузатувчи касса чеки фойдаланувчи томонидан илгари онлайн-НКМдан фойдаланмасдан ҳисоб-китоб қилган ҳолларда онлайн-НКМдан фойдаланиш мажбуриятини бажарилишини таъминлаш мақсадида ёки онлайн-НКМдан ушбу Низом талаблари бузилган ҳолда фойдаланилганда шакллантирилади.

Касса чекига МХИК, маҳсулотнинг (товар, хизмат) ўлчов бирлиги, сони ва суммаси бўйича тафовут аниқланган ойнинг қўшилган қиймат солиғи ва айланмадан олинadиган солиқ ҳисоботларини тақдим этиш муддатларигача тузатиш киритилади. Бунда ҳисобот тақдим этиш муддати ўтгандан сўнг касса чекига тузатиш киритишга йўл қўйилмайди.”;

3. Вазирлар Маҳкамасининг “Юридик шахслар, фаолиятини ваколатхона, филиал ёки доимий муассаса орқали амалга ошираётган чет эл юридик шахслари ва тадбиркорлик фаолияти билан шуғулланувчи жисмоний шахслар тўғрисидаги маълумотларни йиғиш, қайта ишлаш ва сақлаш механизмларини янада такомиллаштириш чора-тадбирлари тўғрисида” 2020 йил 4 сентябрдаги 539-сон қарорида:

а) 10-банди қуйидаги таҳрирда баён этилсин:

“10. Мазкур қарорнинг ижросини назорат қилиш Вазирлар Маҳкамасининг ИТ-технологиялар, телекоммуникациялар ва илмий фаолиятни ривожлантириш масалалари департаментига ҳамда Ўзбекистон Республикаси Давлат солиқ қўмитаси раиси Ш.Д. Кудбиев зиммасига юклансин.”.

б) 1-иловада:

қуйидаги мазмундаги 9¹-банд билан тўлдирилсин:

“9¹. Мазкур Низом мақсадларида, хўжалик юритувчи субъектларнинг иқтисодий фаолият турларини таснифлаш маҳсулотлар (товарлар ва хизматлар)нинг ягона электрон миллий каталогига мувофиқ идентификация кодлари ёрдамида ҳамда электрон ҳисобварақ-фактуралар ва (ёки) онлайн касса техникалар чеклари маълумотлари асосида амалга оширилади.

Агар хўжалик юритувчи субъект иқтисодий фаолиятнинг бир нечта турларини амалга оширса, иқтисодий фаолиятнинг асосий тури календарь ойи якунига кўра онлайн-касса техникаларининг чеклари ёки ҳисобварақ-фактуралари маълумотлари асосида улуши энг катта бўлган иқтисодий фаолият турига қараб белгиланади.”;

2-илованинг 6-банди таснифлагич учун масъул бўлган давлат органлари ва ташкилотлари устунидаги “Давлат статистика қўмитаси” деган сўзлардан кейин “ДСҚ” деган сўз билан тўлдирилсин;

в) 2-иловада:

4-банди масъул давлат органи устунидаги “Давлат статистика қўмитаси” деган сўзлардан кейин “Давлат солиқ қўмитаси” деган сўзлар билан тўлдирилсин;

5-банди масъул давлат органи устунидаги “Давлат статистика қўмитаси” деган сўзлардан кейин “Давлат солиқ қўмитаси” деган сўзлар билан тўлдирилсин.

4. Вазирлар Маҳкамасининг 2021 йил 7 январдаги 1-сон қарори билан тасдиқланган “Солиқ текширувларини ташкил этиш ва ўтказиш тартиби тўғрисида”ги низомнинг 45-банди қуйидаги мазмундаги учинчи хатбоши билан тўлдирилсин:

“Далолатнома солиққа оид ҳуқуқбузарлик содир этган шахсга имзо қўйдириб берилади ёки у олинган сана тўғрисида далолат берувчи бошқа усулда топширилади. Агар мазкур шахс далолатномани олишдан бош тортса, солиқ органининг мансабдор шахси далолатномага тегишли белги қўяди. Бундай ҳолда далолатнома ушбу шахсга почта орқали буюртма хат билан юборилади. Мазкур далолатнома буюртма хат билан юборилган санадан бошлаб ҳисоблаганда бешинчи кун у топширилган сана деб ҳисобланади.

Солиқ тўловчининг солиқ текширув далолатномасидаги имзоси унинг солиқ натижаларига розилигини билдирмайди.”.